

2 Tesalonika

Mériaŋ ac.

1 ¹Paulo zéma Siliwano zéma Timoteo nini Anutu maŋgocnina zéma Miŋ Kewunina Yesu Kristoac qeriaiguc kecanzu Tesalonika hénaoriŋ onac kiwi yomi oénécimizij. ²Anutu maŋgocnina zéma Miŋ Kewunina Yesu Kristoac murunec ewa hia zéma luaenéŋ onacmuru hema kecmac.

Gésigési ai.

³Ninzéŋ ninzéŋ dacmuna hécnina, neneŋ onac wamma nalé séc Anutu ewa hia ac wammima kecbiŋac hezac. Waŋu imuac niŋni sécgézac. Némac niŋ? Onac ninzéŋ ninzéŋgina imi yandima sécgéyu goi héihéi eŋac eŋac késa keczu iminéŋ yandianzac imuac mia imuhuc zézua. ⁴Waŋu unu nesi zéma zérabéra hénia hénia moczoŋ yanda imuac sugcinaiguc naŋselima ninzéŋgégic imuac suruc imi Anutuac hénaoriŋ ama séc keczu ionac neŋaoc meemma waŋ énécmianziŋ. ⁵Imuhuc wannu haka iminéŋ moczoŋ Anutuac niŋgésigési ai solaŋa imuac asé kiwiya wanzac. Waŋu nalé imuaru Anutunéŋ iniru solaŋa waŋgic eŋeya héŋgaleŋ ama areŋa yanda imuaru kereŋ kereŋawac séc wammu niŋac ini qenzeŋ manzeŋ mihicŋi énécmigic keczu. ⁶Waŋu qenzeŋ manzeŋ mihicŋi énécmimu imi onac qenzeŋ manzeŋnéŋ kitiwa hiabia ku énécmimac. ⁷Waŋu Anutunéŋ solaŋa wanzac imuac mia qenzeŋ manzeŋ bisima kecanzu onac imi niniguc momacnec tacniniŋ mihicŋi nénécmima bakia hiabia meleŋ nénécmimac. Imuac Miŋ Kewunina Yesunéŋ eŋeya kua meme uŋahéra kucginaguc iniguc momacnec kurumeŋ igucnec ⁸geric bélaŋiguc wininimu nalé imuaru imi, Anutu ménda nimmizu i zéma Miŋ Kewunina Yesuac buŋa suruc hiabia imi ménda niŋtoho waŋanzu i tasé zéra waiyaguc ku énécmimac. ⁹Ic imuhucya imi eneŋ Miŋ Kewuninawac kic tanera zéma iwac kuc edamuyaguc imuacnec elicgé énécmima taséginawac kisikiyoŋ hémbénaŋa mihicŋi énécmiyu memu. ¹⁰Ini imi nonac héipuc ac énéc énézéya imi ninzéŋgégic imuac niŋac Yesu imi nalé imuaru iwac météré énécmimia zéma hénaoriŋ ninzéŋgé migic ionac sugcinaiguc naŋu hémma mepési mima welicgé mimu niŋac mama hamac. ¹¹Imuac nini acguc nalé séc onac wamma zéwelec wammima yomuhuc zéanziŋ; Anutuninanéŋ onac niŋu

héihéré énécmiyec imuac sécyā wāṅu nāṅgé énécmiyu haka hiabia hénia hénia imuac siṅa nimma ninzégē ninzégē aiya imi iwac kuhanégē meselimu. ¹²Wāṅu Anutunina zéma Miṅ Kewunina Yesu Kristoac ewa hiaya niṅac Miṅ Kewunina Yesuac qaranégē sugginaiguc eeyaguc wāṅu ini acguc iwac qeriaiguc eeginaguc wammu niṅac zéwelec wāṅanzij.

Héna ac logima kekec.

2 ¹Ninzégē ninzégē dācmuna hécnina, Miṅ Kewunina Yesu Kristoac mama hahaya zéma iwac wésiaiguc neṅaṅ hénaorij imuac ara méṅ énézéni niṅgic. ²Biaṅac ara me zéauau me kiwi nonarunec zézéya imuaru koroma Miṅ Kewuninawac nalé yanda imi hazac zégic ewa qerigina qeṅeṅ qeha ménda wamma ménda aurimu. ³Méṅnéṅ méṅ ikoc ac imuhuc me imuhuc zéyu keṅhéi hahéi ménda wammu. Ac qeṅe haka zéma héna ac logilogi ic, kisikiyoṅac merac méṅ hicṅiyuguc nalé tetcgia hamacac hezac. ⁴Inégē mia hazéc ai meanzac. Inégē anutu zéénéc énécmia zéma tosara mepési énécmianzū ionac sugginaiguc onogicma eṅeyanec ou naṅ kecma Anutuac ocmuṅiguc tacma eṅeya ézéamuyu héṅgic, ni imi Anutu zémac. ⁵Ni iniguc kerij nalé imuaru ac imuhucya énézéyi imi ménda niṅqelizu me? ⁶Eṅeya naléya ducṅiyu hicṅimac niṅac deguc imi neuṅ héimiyu keczac. ⁷Wāṅu ac qeṅe miṅinawac kuc saṅanégē bec aiya mema keczac, néṅ neuṅ héimimianégē imuhuc wamma keṅkeru nalé wāṅuguc héna namuṅa igucnec wagiru neuṅa qahac wammac. ⁸Qahac wāṅu imuaru mia ac qeṅe miṅina iminégē wininimac. Wāṅu Miṅ Kewunina Yesunégē eṅeya kua wéséséyanégē ic biria imi qeyu humumac. Wāṅu mama wininiyu, mama hahaya imuac edamuyanégē imuhucya imi moczoṅ mebiri énécmidacmac. ⁹Ic biriawac hahaya imi Biria miṅinawac ai méndacma kuc hénia hénia zéma séséc hénia hénia zéma kiwi méréra ikora zéma ¹⁰wawaṅ meme biriawac haka ikoranégē humucac buṅa ionac muru hama hicṅi énécmimac. Némac niṅ ieneṅ imi mehiaru énécmimac niṅ ménda wamma ac hélawac goi héihéiya imi ménda aṅgétigic imuac mia imuhuc hicṅi énécmimac. ¹¹Imuac niṅ Anutunégē wai énécmiyu ikoc kuhaguc imuhucyanégē sugginaiguc aiya meyu iwawai ikora imi ninzégéanzu. ¹²Wāṅu imi mia ac héla ménda ninzégégē haka biriawac siṅa nimma kecaṅzū séc késpedes ginaguc zéénécmimia wammac.

¹³Miṅninawac siṅnij wāṅ énécmimia, ninzégē ninzégē dācmuna hécnina, Uṅa téréyanégē météré énécmiyu ac héla imi ninzégégic mehiaru énécmimac niṅac Anutunégē hénihénia igucnec énépésiyec. Hénia imuac niṅac nini nalé séc onac wamma niṅni sécgéyu Anutu ewa hia ac ézéwiṅac hezac.

**Ini gési énécmiyu aṅgégē titiac
buṅa wanzu.**

¹⁴Imuac mia Miṅ Kewunina Yesu Kristoac edamuya imi eṅ énécmiyu késamu niṅac inégē buṅa suruc hiabia nonarunec hahaya imi énézéma

héihéré énécmiyec. ¹⁵Imuac niḡac ninzéh ninzéh dacmuna hécnina, selianec naḡselima ackuažéc kuaninanéh zézéya me kiwininanéh ku énécmiyiḡ mératéc buḡa imi niḡtoho wammu. ¹⁶Miḡ Kewunina Yesu Kristo zéma goi héihéi waḡ nénécmima meme seli ac tetecgia qahac zéma niḡkumu hiabia imi ewa hiawac eḡ nénécmiyec Anutu maḡgocnina iereḡ ¹⁷onac ewa qerigina meseli énécmima wawaḡ meme hiabia hénia hénia zéma acginaiguc meseli énécmimaoc niḡac wanzḡiḡ.

Žéwelec welecac ai énécmigic.

3 ¹Ninzéh ninzéh dacmuna hécnina, tetecgiawac énézéni niḡgic. Ini nonac niḡ wamma yomuhuc žéwelec wammu; Miḡ Kewuninawac ackuažécnéḡ onac sugginaiguc ai meyec ésécnec foc foc saima kemma ee héihéiyaguc wammac. ²Waḡu ic žipiliḡ zapalaḡa zéma biria meme ic ionac murunec metecgé nénécmimac niḡac žéwelectmu. Ninzéh ninzéh imi baec ic moczoḡ ionac buḡa qahac, néḡ momac momacnéḡ késa keczoḡ imuac niḡac imuhuc zézua. ³Miḡ Kewunina imi ménžé ménžéya qahac, imuac meseli énécmima ic biriawac muru galeḡ memac. ⁴Onac imi Miḡ Kewuninawac qeriaiguc yomuhuc zéma ninzéhḡéziḡ; Ini žéseli énécmiziḡ imi niḡtoho wamma emma kecmu. ⁵Miḡninanéḡ onac ewa qerigina qindiḡi énécmiyu Anutuac goi héihéi zéma Kristoac naḡseli seliiguc keremmu.

Qéizéh wamma kecbu niḡac goro ac waḡ énécmigic.

⁶Ninzéh ninzéh dacmuna hécnina, Miḡ Kewunina Yesu Kristoac qaraiguc yomuhuc žéseli énécmiziḡ; Sicsaoc wamma mératéc haka nonac murunec niḡareḡḡégic imi ménda tohoanžu ionac murunec néḡgacmu. ⁷Haka silic waḡanzḡiḡ imi dimuhuc méndacma wammu imi ini eḡaoc nindaczu. Nini onac sugginaiguc qéizéh ménda wamma kerih. ⁸Waḡu nini onac muru ménjac ménj réwéri ménda mihicḡi énécmiwiḡ niḡac, onac murunec yaka boḡtegic ménj ménda mema neyiḡ, néḡ méraninanéh siḡi kaiwe séc ai selianec meaḡiḡ. ⁹Imi mia imuhuc wambiḡ niḡac qac buḡa ménda žé nénécmiyecac qahac, néḡ onac muru haka séséha wamma énézéni ninicma méndac nénécmimu niḡac imuhuc waḡanzḡiḡ. ¹⁰Nini iniguc momacnec kerih nalé imuaru acguc yomuhuc žéseli énécmiyiḡ; Méḡnéḡ ménj ai memeyawac méžégina tizaciguc nene ménda nemac. ¹¹Néḡ yomuhuc žégic niḡiḡ; Onac sugginaiguc tosaranéḡ méžétiti wamma kecma ai ménj ménda mema eḡ keḡha wamma acnéḡ réwéri sasala mihicḡianžu. ¹²Ic imuhucya imi žéseli énécmima Miḡ Kewunina Yesu Kristoac qeriaiguc zénaḡgé énécmima yomuhuc zéziḡ; Acgina qaiyu ai mema eḡaḡ nene mihicḡima nemu. ¹³Ninzéh ninzéh dacmuna hécnina, ini haka hiabia wamma kecma ewa qerigina qeka meka ménda

wammu. ¹⁴Méjnénj méné kiwi yomuaru ackuažéc waŋ énécmiziŋ imi ménda niŋtohoŋu ic imuac hénia zéhicŋima qéqéhéréj ménda wammigic gamuya nimmac. ¹⁵Waŋu iwac mia niŋgic hažécgina ésécnec ménda wammac, néj dacmuna ésécnec waŋu zénaŋgé mimu.

Ac tetecgia.

¹⁶Luaeac Miŋ Kewunina eŋeyaoc nalé zéma aigina séc onac muru luae qeénécmimac niŋac wanziŋ. Miŋnina imi momac yanda iniguc momacnec kecmac.

¹⁷Ni Paulonénj mérananéj oma yai zézégina zézua. Imi mia kiwi imi nuarunec hahaya imi héŋtegiŋmu niŋac asé kiwina yomuhuc oanzua. ¹⁸Neŋaŋ Miŋ Kewunina Yesu Kristoac ewa hianénj ic tuŋ onac muru hema kecmac.